

## **Clypeus Theologiæ Thomisticæ**

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

**Gonet, Jean-Baptiste**

**Coloniæ Agrippinæ, 1671**

§. IV. Alijs rationibus eadem veritas suadetur

---

[urn:nbn:de:hbz:466:1-77132](#)

libet autem substantia creata, vel creabilis, est finita, & potentialitati admixta: Ergo repugnat dari aliquam creaturam intellectualem, quæ connaturaliter Deum videat.

Probatur secundò conclusio ratione D. Thomæ hic art. 5. ad 3. ubi sic discutitur: *Dispositio ad formam ignis non potest esse naturalis nisi habenti formam ignis: unde lumen gloria non potest esse naturale creature, nisi creatura esset naturæ divina, quod est impossibile. Ex quibus verbis haec potest formari ratio. Implicat quod ultima dispositio ad aliquam formam, si connaturalis, nisi habent talem formam: Sed lumen gloria est ultima dispositio ad essentiam divinam, ut est forma intelligibilis: Ergo implicat quod sit connaturale, nisi illi cui est naturale habere talem formam, scilicet Deo.*

Confirmatur & magis declaratur haec ratio: *Illi cui est naturale lumen gloria, debita est naturaliter unio essentia divina in ratione speciei intelligibilis; cum lumen gloria sit ultima dispositio ad illam, sicut calor ut ostium est ultima dispositio ad formam ignis: Sed implicat quod hujusmodi unio sit debita naturaliter alicui substantia creatrix, quia forma invenia, & infinita, non potest esse connaturaliter debita substantia creatrix & finita: Ergo implicat dari aliquam substantiam creatram, cui lumen gloria sit connaturale.*

Probatur tertio conclusio alia ratione fundamentali: *Operatio qua simpliciter & absolute est supernaturalis, nulli creature existenti, aut possibili, potest esse connaturalis, & proportionata: At visio beatifica est operatio simpliciter, & absolute supernaturalis: Ergo nulli creature existenti vel possibili connaturalis esse potest. Major constat ex secundo notabili: illud enim dicitur supernaturaliter simpliciter, & absolute, quod transcendit vires, & existentiam corporis naturæ creatæ, & creabilis. Minor vero patet ex primo: Nam supernaturalitas simpliciter & absolute sumpta, consistit in participatione aliquius perfectionis Deo propria, inquantum est ens à se, & ipsum esse per essentiam, ut ibidem exposuimus: At qui respicere divinam essentiam, tanquam objectum connaturale, per cognitionem vel amorem est proprium Deo, eique conveniens, quatenus est ens à se, ipsumque esse per essentiam: Ergo visio beatifica est operatio simpliciter & absolute supernaturalis.*

Confirmatur: Si esset possibilis aliqua substantia intellectualis, cui visio beatifica esset connaturalis, & quia lumen gloria dimanaret tanquam proprietas, sequeretur visionem beatificam non esse simpliciter & absolute supernaturalis, sed respectivè tantum, & secundum quid; eoque fere modo, quo volare dicitur supernaturale respectu hominis: Sed hoc dici nequit: Ergo nec illud. Sequela Majoris probatur: Illud dicitur supernaturaliter simpliciter, quod transcendet totam naturam creatram, & creabilem: At qui si esset possibilis aliqua creatura, cui visio beatifica esset connaturalis, illa non excederet vires totius naturæ creabilis: Ergo non esset simpliciter, sed tantum secundum quid supernaturalis, per respectum scilicet ad naturas jam productas, & existentes. Ex quo ulterius sequetur, quod visio beatifica esset in statu prternaturali, & quasi monstruosa, quia cum posset habere subjectum in hancis connaturale, illò careret. Sicut si intellectus Angeli possibilis, peneretur in substantia Angeli creari, esset in statu

A præternaturali, & quasi violento; quia non coniungeretur substantia illius Angeli, à qua connaturaliter deberet dimanare.

Denique siudetur conclusio: *Ens supernaturale specificatur ex ordine transcendentali, quæ dicit ad Deum, ut in se est, & ut transcedit totum ordinem creaturam, & creabilem, ut in primo notabili ostendimus: At nulla potest dari substantia completa, quæ specificetur ex ordine transcendentali ad Deum, ut in se est: Ergo nulla potest dari substantia completa supernaturalis. Minor constat ex tertio notabili: ut enim ibidem exposuimus, in hoc distinguitur substantia ab accidentibus, que illa cum sit ens perfectum, & complenum, habet totum suum specificatum intra propriam lineam, nec potest speciem emendicare ab aliquo extrinseco: accidentia vero cum sint entis entia, & affectiones substantiae, specificari possunt ab aliquo extrinseco, quod tanquam objectum, vel terminum, aut alio consimilimodo resplicant.*

Dixi autem, *substantia completa*, quia non est contra rationem substantiarum incompletarum essentialiter ordinari ad aliquod extrinsecum, materia enim respicit essentialiter formam, & forma materiam, & subsistentia, ac existentia naturam quam terminant. Unde haec ratio solùm demonstrat impossibilitatem substantiarum supernaturalis completarum. An vero sit possibilis, vel de facto datur, inter Verbum Divinum, & humanitatem assumptam, modus substancialis unionis entitative supernaturalis, in Tractatu de Incarnatione discutiemus.

#### §. IV.

*Aliis rationibus eadem veritas siudetur.*

*P*rimum argumentum similitur ex illis verbis Apostoli i. ad Tim. 6. *Qui lucem habitat inaccessibilem: quæ verba absolute prolatæ, satis indicant, quod Deus, ob summam suam elevationem est invisibilis, & inaccessibilis cuicunque creatura, & quod nulli extraneo à Deo, per se, & ex propriis viribus, patere potest, & esse manifesta lux increata diuinitatis, hoc est essentia Dei; alioquin si aliqua substantia creabilis posset ex se & ex propriis viribus ad illam pervenire, non esset omnino inaccessibilis: sicut si possibilis esset aliqua creatura, quæ Deum comprehendere, ille non posset dici omnino incomprehensibilis.*

*N*eque valet si diccas, hac ratione probari, quod Deus esset invisibilis, & inaccessibilis, etiam intellectui beato, lumine gloria perfuso, quia totum illud compositum creatura est. Non valet inquam: quia ut Deus absolute dicitur invisibilis, & inaccessibilis, sufficit quod nulla creatura possit per vires suas naturales ad illum accedere; quamvis Deus possit accessum ad se illi dare, seque illi visibilem facere per auxilium suum omnipotentis: sicut civitas non desineret dici absolute inaccessibilis, si non nisi ipsa volente, & juvante, nullus posset ad illam accedere.

*S*ecundum argumentum potest sic proponi. Per visionem beatificam homines, & Angeli constituantur Filii Dei: per illam enim maxime Deo unitur, & gratia sanctificans, quæ est divina natura participatio, per eam ultimo perficitur, & consummatur. Unde Apostolus ad Roman. 8. *Noi ipsi primi sunt spiritus habentes intra nos geminus, adoptionem filiorum Dei expectantes: neque filia-*

*Columna 5.* filiationem gloriae, quae excedit statum adoptionis & filiationis viae. Sed nulla potest dari creatura, quae naturaliter sit filia Dei. Ergo nulla est possibilis, cui visio beatifica sit connaturalis. Minor probatur: Filiatio Dei vel est naturalis, vel adoptiva? Sed neutra potest naturaliter ulli puro creature competere. Ergo nulla potest dari creatura, quae naturaliter sit Deifilia. Minor quantum ad primam partem patet, quia filius naturalis debet esse eusdem naturae cum patre, aut naturae non extranea; At omnis creatura est naturae extranea a Deo: Ergo nulla creatura potest esse filia Dei, filiatione naturali. Probatum vero quantum ad secundam. Ex institutis, titulo de adoptione, requiritur quod adoptivus ex indulgentia tantum, & beneficio extraordinario habeat ius ad hereditatem; & ex Concilio Francofondiensi, in sacrosyllabo, adop-  
tivus hanc duo debet habere: primum ut sit alienus ei a quo adoptatur: secundum, ut adoptio ei per gratiam, & ex indulgentia tribuitur. At creatura de qua disputamus, esset naturaliter videns Deum: Ergo non ex gratuita adoptione.

26 Tertium argumentum: Beati videntes Deum, cum sine eius filii, sunt etiam eius heredes: juxta illud Pauli ad Rom. 8. Si filii, & heredes. Item cum ei intime conjungantur per charitatem, sunt eius sponsa, Apocal. 21. Sedent in eius Throno, Apoc. 3, & recumbunt in eadem mensa, Luce 22. Atqui repugnat quod ulla creatura sit naturaliter heres Dei, eius sponsa, sedens in eius Throno, ac recumbens in eius mensa: quia omnis creatura, etiam possibilis, est naturaliter, & ex sua origine Dei serva; cum talis servitus in creatione fundetur: servus autem non est naturaliter heres domini sui, & serva non potest naturali ordine esse sponsa; nec famulus, nisi gratuito vocatus, potest federe & recumbere cum domino suo in eadem mensa: Ergo nulli creaturae visio beata potest esse connaturalis.

Hoc argumentum insinuat Cyrus libro 1. in Joan. cap. 10. ubi sic ait: *Creatura quippe & serva natura ad res supernaturales vocatur solo natu ac voluntate Patris: Filius autem & Deus & Dominus, non Dei ac Patris natus, nec eius voluntate id habet quod Deus sit, sed sicut ex ipsa substantia Patris effusus est, proprium eius bonum secundum naturam sibi afferit.* Etibidem cap. 8. arguens contra quosdam hereticos, affirmantes Christianam esse creaturam, ait: *Si fatentur supernaturalia bona ei substantialiter inesse, ne coniungant ei naturali unitate creaturam.* Id est non potest eum esse creaturam, si credunt bona supernaturalia ipsi inesse naturaliter.

27 Quartum argumentum: Substantia supernaturalis, quae connaturaliter videtur Deum, continet propriam & naturali virtute gratiam justificantem: Sed repugnat dari creaturam, quae propriam & naturali virtute gratiam justificantem continet: Ergo repugnat dari substantiam supernaturalem. Major videtur certa: quia tali creatura debetur tanquam proprietas naturalis, gratia sanctificans & que ac lumen gloriae, & visio beatifica: Ergo virtute propriam & principali gratiam justificantem continet. Minor vero probatur: Gratia sanctificans est participatione naturae divinae: Sed participatione naturae divinae continetur in solo Deo, ut causa principalis, cum nulla natura inferior possit principaliter continere participationem superioris: Ergo null-

A la creatura potest propriam & naturali virtute continere gratiam sanctificantem.

Addo quod si daretur aliqua creatura, quae virtute propriam & principali gratiam sanctificantem contineret, illa posset alias principali-  
ter iustificare, ac proinde deificare: sicut ignis & sol possunt alia a se calescere, & illuminare, quia connaturaliter, & virtute propriam, & principali continent lucem & calorem: Consequens est falsum, & repugnans doctrinam Sanctorum Patrum: Ergo & Antecedens. Minor probatur ex Cyrillo, libro *Quod spiritus sit Deus*, ubi sic discurrevit: *Si Spiritus deificet, quomodo erit creatura, & non magis Deus, utpote deificus?* Quia illatio nulla esset, si Spiritus Sanctus posset iustificare, & deificare, & tamen esse creatura: Unde Augustinus libro 1. de peccatis, cap. 14. *Quisquis ausus fuerit dicere, iustifico te: consequens est ut dicat etiam, crede in me.* Quare concludit, quod sicut non est credendum nisi in solum Deum, ita illum solum principaliter iustificare posse.

Quintum argumentum. Si daretur aliqua creatura, quae connaturaliter videret Deum, illa esset ex natura sua impeccabilis: Sed repugnat dari creaturam impeccabilem ex natura sua: Ergo & quae naturaliter videret Deum. Major constat: tum quia impeccabilitas est necessario coniuncta cum Dei visione: tum etiam quia illa creatura, quae naturaliter videret Deum, esset substantialiter eusdem ordinis, & eusdem, aut majoris perfectionis, quam sint habentes supernaturales infusi: unde sicut repugnat fidei infusae subesse falso, & gracie, & charitati, cum peccato conjungi: ita & illi creatura repugnaret esse cum peccato. Minor autem in qua est difficultas, probatur ex Sanctis Patribus, qui passim affirmant, solum Deum esse ex natura impeccabilem: cetera vero eo ipso quod ex nihilo sunt, vel quod non sunt summe bona, peccare possunt: Sic Augustinus libro 12. de Civit. cap. 1, ubi docet, eo ipso quod liberum arbitrium producitur ex nihilo, esse ex natura sua defectibile, & peccabile. Idem asserit Fulgentius de fide ad Petrum cap. 3. ubi sic discurrevit: *Deus quia summus bonus est, dedit omnibus naturis quas fecit ut bona sint: non tamen tantum bona, quantum creator omnium bonorum, qui non solum summe bonus, sed etiam summum atque incomparabile bonum est, quia aeternus bonus est; nullum habens defectum, quia non ex nihilo factum, nullum habens praeceptum, quia nullum habens initium. Ideo quippe natura a Deo facta proficere possunt, quia esse experuntur id est deservire, quia ex nihilo facta sunt. Ad defectum eas conditio dicit originis, ad profectum vero provebit operatio creatoris.* Item Gregorius Magnus libro 5. Moralium cap. 25. haec scribit: *Omnis quippe creatura, quia ex nihilo facta est, & per semetipsam ad nihilum tendit, non habere habet, sed destituere: scilicet per peccatum. Denique Anselmus Boso querenti, cur Deus non condidit homines & Angelos impeccabiles? Respondet: Quia non potuit, neque debuit fieri, ut unusquisque eorum esset idem ipse qui Deus.*

Sextum argumentum. Videntes Deum, vident quamplurima consilia Dei libera, ut constabit ex infra dicendis: Sed Scriptura docet, repugnare quod creatura aliter particeps consiliorum Dei, quam gratitudo ejus revelatione, & manifestatione: ut enim dicit Apostolus 1. ad Corinth. 2. *Quae sunt Dei (id est ejus consilia*

& secreta) nemo novit, nisi Spiritus Dei qui in ipso est. Et in eodem capite, versu 16. citat illud Isaiae 40. Quis cognovit sensum Domini, aut quis Consilarius eius? Id est, quae creatura à seipso cognoscit consilium Dei, nisi Deus per Spiritum Sanctum ea revelet?

30. Confirmatur: Si possibilis esset intellectus naturaliter æquivalens in perfectione intelligendi, intellectui beato, lumine gloria perfuso; à fortiori posset dari intellectus creatus, qui naturali sua vi æquivaleret intellectui Prophetæ, lumine prophetæ illustrato: Sed hoc repugnat: Ergo & illud. Major constat, Minor probatur. Si posset dari intellectus creatus, qui naturali sua vi æquivaleret intellectui Prophetæ, lumine prophetæ illustrato, posset dari creatura, qua naturaliter, & seclusa Dei revelatione, futura contingentia, & libera præscire: Sed hoc repugnat Scripturæ, & Sanctis Patribus, qui docent præscientiam futurorum esse certissimum, ac præcipuum divinitatis argumentum, juxta illud Isaiae 41. Annuntiate quæ ventura sunt in futurum, & sciemus quia D[omi]ni estis vos; & illud Tertulliani in Apologet. cap. 20. Idoneum opinor testimonium divinitatis, veritas divinationis.

## §. V.

## Dilaundur argumenta Adversariorum.

31. Objecit primò cum Scoto. Ideo D. Thomas, & ejus Discipuli, negant aliquid intellectum creatum, aut creabilem, posse connaturaliter videre Deum, quia modus essendi Dei exceedit modum essendi cuiuslibet substantiæ, & intellectus creatus, aut creabiles, cum Deus sit suum esse, actus purus, & infinitè immaterialis; & quælibet substantia creata, aut creabilis sit potentialitati admixta: Sed hæc ratio non concludit: Ergo ruit præcipuum fundamentum D. Thomæ. Major constat ex supra dictis, Minor probatur tripliciter. Primo quia intellectus creatus lumine gloria perfusus, connaturaliter videt Deum; cum lumen gloria sit participatio divinae intellectualitatis, quæ habet essentiam divinam pro objecto connaturali: Sed intellectus creatus lumine gloria perfusus, non est actus purus, nec suum esse, nec ejusdem immaterialitatis cum Deo: Ergo &c.

Secundo, Oculus corporeus videt cœlos incorruptiles, cum tamen ipse sit corruptibilis: Ergo potentia, & objectum connaturaliter cognitum non debent convenire in eodem gradu perfectionis, & immaterialitatis.

Tertio, Angelus inferior quidditatè cognoscit superiorē, licet non sit ejusdem perfectionis, & immaterialitatis cum illo: Ergo pariter intellectus creatus poterit quidditatè Deum cognoscere, quamvis ipsum in perfectione & immaterialitate adæquare nequeat.

32. Respondeo concessa Majori, negando Minorem, ad cuius primam probationem nego partatem: quia valde diversa est ratio de intellectu creato, aut creabili, & de lumine gloria: cum enim quilibet intellectus creatus, aut creabilis, procedat ut proprietas alicuius substantiæ spiritualis, petit illam habere pro objecto connaturali & proportionato, & esse ejusdem immaterialitatis cum illa. At vero lumen gloria, non inest intellectui beato, per modum proprietatis ab illo connaturaliter dimananti, sed per mo-

dum qualitatis, & virtutis instrumentariæ ipsum elevantis; & id est non debet proportionari, & accommodari subiecto quod elevat, sed potius objecto ad quod elevat.

Addo quod, longè major proportio requiriatur, ut connaturaliter Deus à creatura videatur, quam ut ad id elevetur per lumine supernaturale; illud enim non debet esse vis omnino connaturaliter attingens objectum, sed debet se habere per modum virtutis instrumentariæ, & elevantis, seu participationis intellectus superioris.

Ad secundam probationem ejusdem Minoris respondeo, quod licet oculus corporeus videat cœlum, quod est incorruptibile, non tamen videt illud formaliter, & reduplicative, quatenus est incorruptibile, sed solum quatenus est lucidum & coloratum, sub qua tantum ratione pertinet ad objectum formale, & specificativum potentia visiva. Quare illa instantia Scotti non est ad propositum, nec infringit efficaciam rationis D. Thomæ, qui solum intendit, objectum ut formaliter cognitum, modo essendi cognoscendis debere proportionari.

Ad tertiam instantiam dicendum est, Angelum superiorem & inferiorem, habere eundem modum essendi, & eundem gradum immaterialitatis: nam omnes Angeli carent materia, & compositione physicæ, & habent compositionem ex essentia & existentia: Neque vero omnimoda æqualitas inter cognoscens & cognitum, ad cognitionem quidditatam requiritur, sed sufficit identitas gradus, & ordinis. At nullus intellectus creatus, vel creabilis, pervenire potest ad eundem gradum immaterialitatis cum Deo, qui est suum esse, & actus purus.

Objecit secundo: Deus potest creare intellectum, qui si sit naturali adæquet virtutem intellectus beati, lumine gloria perfusus: Ergo & qui naturaliter Deum videat. Consequentia patet; alias enim non adæquaret virtutem intellectus beati: Antecedens vero probatur. Virtus intellectus beati, lumine gloria perfusus, est finita perfectionis, & activitatis: Ergo cum dato quocunque intellectu finito, Deus possit perfectiorem producere, nulla videtur esse repugnantia, quod Deus producat intellectum, virtute sua naturali adæquantem, vel superantem virtutem & activitatem intellectus beati, lumine gloria instruti.

Respondeo negando Antecedens, ad cuius probationem, concessa Antecedente, nego Consequentiam: licet enim intellectus beatus, lumine gloria perfusus, sit aliquod compositum finitæ perfectionis, & activitatis non sequitur tamen, Deum posse creare aliquem intellectum, qui si sit naturali adæquet ejus perfectionem & activitatem: quia res ordinis inferioris, quantumcumq[ue] intra illum ordinem perficiatur, nunquam potest pertingere ad perfectionem alterius ordinis superioris. Quantumcumque enim creatura materialis & corporeæ perficiatur, nunquam tamen poterit pertingere ad perfectionem Angelorum. Item quantumcumque augeatur amor Dei naturalis, nunquam pervenire poterit ad perfectionem charitatis, & amoris supernaturalis. Denique quantumcumque perficiatur certitudo scientie naturalis, nunquam pertinget ad certitudinem fidei, vel prophetæ, aut alterius luminis supernaturalis. Unde recte dixit Cajetanus, quod unū individuum superioris ordinis aquivaleat, imo & superat infinita individua ordinis infra-